



Ministarstvo dijaspore

Br: 01-910/25-99/1

7. februar 2025. godine

Za: Arhiva Generalnog sekretarijata Vlade, Vlada Crne Gore

Predmet: Izvještaj o radnoj posjeti ministra dijaspore Mirsada Azemovića Kraljevini Nizozemskoj, 31. januar – 3. februar 2025. godine

Destinacija: Nuland, Kraljevina Nizozemska

Delegaciju predvodio: ministar dijaspore Mirsad Azemović

Članovi delegacije:

- 1) Adel Omeragić, državni sekretar
- 2) Ajla Dervišević, načelnica u Direkciji za saradnju sa dijasporom u regionu i Evropi

Delegacija Ministarstva dijaspore, predvođena ministrom Mirsadam Azemovićem, u periodu od 31. januara do 3. februara 2025. godine boravila je u radnoj posjeti udruženjima dijaspore-iseljenika u Kraljevini Nizozemskoj, na poziv rožajskog udruženja iz Nizozemske „Kula“.

Tokom posjete Nulandu, delegacija Ministarstva dijaspore prisustvovala je Biznis forumu pod nazivom "Uticaj dijaspore na ekonomski razvoj Crne Gore", održanom 1. februara ove godine u Nulandu. Predmetni biznis forum je sufinansiran od strane Ministarstva dijaspore, putem Javnog konkursa za sufinansiranje programa odnosno projekata organizacija dijaspore-iseljenika za 2024. godinu. Skup je bio prilika za ostvarivanje direktnih kontakata, razmjenu mišljenja, kao i razgovor o predstojećim aktivnostima koje planiraju naši istaknuti iseljenici u cilju pružanja pomoći matičnoj zemlji.

U svom uvodnom izlaganju, ministar Mirsad Azemović naglasio je značaj saradnje sa dijasporom za ekonomski razvoj zemlje, budući da je uticaj dijaspore na ekonomski razvoj Crne Gore nemjerljiv i predstavlja jedno od najvažnijih strateških resursa naše zemlje.

Državni sekretar Ministarstva dijaspore Adel Omeragić dodao je da „Crna Gora definitivno jeste na pragu Evropske unije, što treba da raduje ne samo nas u Crnoj Gori, nego i našu mnogobrojnu dijasporu širom svijeta, te da budući da se Crnoj Gori otvorila šansa da bude članica Evropske unije, samim tim se otvorila i ogromna šansa za ulaganja naše dijaspore u svoju maticu“.

Nakon uvodnih izlaganja, uslijedila je panel diskusija, pružajući priliku prisutnima da prodiskutuju ključne izazove, kao što su: finansijska ulaganja i transferi novca, administrativne barijere, predlozi za razvoj sjevernog dijela Crne Gore, te načini na koji se mogu razviti konkretna rješenja i stvoriti preduslovi za što bolju integraciju dijaspore u ekonomski razvoj Crne Gore.

Biznis Forumu su prisustvovali i predstavnici novootvorene Ambasade Crne Gore u Kraljevini Nizozemskoj i predstavnici Bošnjačkog udruženja Plavljana i Gusinjana “Behar”.

U nedjelju, 2. februara, delegacija Ministarstva dijaspore je održala sastanak sa predstavnicima rožajskog udruženja iz Nizozemske „Kula“.

Ovom prilikom, ministar Azemović je prenio poruke podrške predstavnicima ovog udruženja dijaspore na polju očuvanja identiteta, kulture i tradicije. Istakao je da je dijaspora jedan od najvažnijih stubova naše države, uz napomenu da su brojni ljudi porijeklom iz Crne Gore prepoznati u K. Nizozemskoj kao uspješni u svom poslu.

Ukazujući na važnost bliske saradnje među udruženjima u dijaspori i jačanje veza sa matičnom državom, ministar Azemović je istakao da će Ministarstvo, kao i do sada, biti na raspolaganju za sve inicijative i aktivnosti na polju povezivanja naših iseljenika sa Crnom Gorom.

Zaključak:

Vlada Crne Gore je na sjednici održanoj _____ 2025.godine, razmotrila i usvojila **Izvještaj o radnoj posjeti ministra dijaspore Mirsada Azemovića Kraljevini Nizozemskoj, 31. januar – 3. februar 2025. Godine.**

Delegaciju Ministarstva činili su :

- 1. Mirsad Azemović, ministar**
2. Adel Omeragić, državni sekretar
3. Ajla Dervišević, načelnica u Direkciji za saradnju sa dijasporom u regionu i Evropi

Troškove smještaja snosio je organizator, sve ostale troškove snosilo je Ministarstvo dijaspore.